

0389

U B172 AAB
MAHATHIR - BIDONG

ALOR SETAR, 24 APRIL (BERNAMA) -- MALAYSIA MEMBERI JAMINAN AKAN MENYEDIAKAN ALTERNATIF KEPADA PELARIAN VIETNAM DI PUSAT PELARIAN PULAU BIDONG, TERENGGANU SEBELUM PUSAT ITU DITUTUP.

PERDANA MENTERI, DATUK SERI DR MAHATHIR MOHAMAD BERKATA, MALAYSIA AKAN MENGADAKAN PERBINCANGAN TERLEBIH DAHULU DENGAN AGENSI-AGENSI ANTARABANGSA DAN KERAJAAN TERENGGANU SEBELUM MELAKSANAKAN LANGKAH ITU.

KATANYA, SOAL MENUTUP PULAU ITU KEPADA PELARIAN BUKANLAH PERKARA MUDAH SEPERTI +MENUTUP ATAU MEMBUKA PINTU+ DAN KERAJAAN TERPAKSA MENELITI PERKARA ITU SEBAIK-BAIKNYA.

DATUK SERI DR MAHATHIR MEMBERITAHU PEMBERITA DEMIKIAN DI LAPANGAN TERBANG DI SINI SEBELUM BERLEPAS PULANG KE KUALA LUMPUR.

BELIAU DAN ISTERINYA, DATUK SERI DATIN PADUKA DR SITI HASMAH PULANG KE KEDIAMAN MEREKA DI SINI PETANG SEMALAM BAGI MENGHADIRI MAJLIS BERBUKA PUASA DI MASJID KAMPUNG KANDIS DEKAT SINI. -- LAGI.
1242MST 24 04 88

MAHATHIR - BIDONG 2 ALOR SETAR

PADA KHAMIS LEPAS MENTERI DI JABATAN PERDANA MENTERI, DATUK DR YUSOF NOOR, MENGUMUMKAN RANCANGAN MENUTUP PUSAT DI PULAU ITU YANG MENURUTNYA DIBUAT OLEH KABINET EKORAN RAYUAN PENDUDUK TEMPATAN UNTUK MENJADIKAN PULAU ITU SEBAGAI PUSAT PENANGKAPAN IKAN BEMULA.

PULAU BIDONG YANG TERLETAK KIRA-KIRA 50 BATU NAUTIKA DARI KUALA TERENGGANU MERUPAKAN KAWASAN LARANGAN KEPADA NELAYAN, SEJAK DIJADIKAN PUSAT PENEMPATAN PELARIAN VIETNAM PADA TAHUN 1970-AN.

KETIKA DIMINTA MENGULAS USAHA PENANAMAN BUAH-BUAHAN PULA, PERDANA MENTERI BERKATA, WALAUPUN USAHA MENANAM BUAH-BUAHAN TIDAK BEGITU BERJAYA, IA TIDAK PULA GAGAL SEPENUHNYA.

BELIAU MENASIHATKAN RAKYAT SUPAYA MENGUSAHAKAN PENANAMAN BUAH-BUAHAN SECARA ESTET SEPERTI YANG DILAKUKAN BAGI GETAH DAN KELAPA SAWIT.

KATANYA, WALAUPUN TERDAPAT ORANG YANG BERMINAT UNTUK MEMBUKA ESTET BUAH-BUAHAN, BILANGANNYA AMAT KECIL MANAKALA YANG PALING RAMAI MENGUSAHAKAN BUAH-BUAHAN IALAH SECARA PEKEBUN KECIL. -- LAGI.
1245MST 24 04 88

0392

U B174 AAB
MAHATHIR - BIDONG 3 ALOR SETAR

DATUK SERI DR MAHATHIR BERKATA, PENGELUARAN BUAH-BUAHAN SECARA KECIL-KECILAN TIDAK MENGUNTUNGGAN DAN TIDAK DAPAT MEMENUHI PASARAN EKSPORT.

BELIAU BERKATA, BUAH-BUAHAN TEMPATAN BERPOTENSI UNTUK DIUSAHAKAN SECARA BESAR-BESARAN, ANTARANYA IALAH, RAMBUTAN, MANGGIS, DURIAN BELANDA, NONA DAN JAMBU.

PERDANA MENTERI JUGA MEMBERIKAN CONTOH DENGAN MENYEBUT KEJAYAAN NEW ZEALAND DALAM MEMPOPULARKAN BUAH, +CHINESE GOOSEBERRY+ YANG BERASAL DARI NEGERI CHINA TETAPI TIDAK TERKENAL DI SANA.

KATANYA, NEW ZEALAND TELAH MENGUSAHAKAN BUAH-BUAHAN ITU SECARA BESAR-BESARAN DAN MENUKARKAN NAMANYA KEPADA +KIWI FRUIT+ DAN IA KINI TERKENAL DI SELURUH DUNIA. -- BERNAMA.
1246MST 24 04 88